



Josef Motzfeldt
inatsisartuni ilaasortaq
member of parliament

18. oktober 2007

Inatsisartut Suleriaasianni § 36, imm. 1 naapertorlugu Naalackersuisunut apeqqut imaattoq matumuuna saqqummiuppara:

Ukioq manna majip naalernerani persuarsuutigineqartumik Kangerlussuup USA-milu Baltimorep akornanni silaannakkut attaveqatigiinneq Air Greenlandimit ammarneqarpoq.

Taamanernit qaammatini tallimangulersuni ingerlaarfimmi timmisartumut ilaasut usillu annertussusaat, kujammut utimullu, naalackersuisut nalunaarusiamik takussutissiisinnaappat?

Aamma Baltimoremut timmisartuussisarnerup nittarsaanneqarneranut aningaasat qanoq amerlatigisut atorineqareerpat?

(Inatsisartuni Ilaasortaq Josef Motzfeldt, Inuit Ataqatigiit)

Apeqquteqaammut tunngavilersuut:

Ukiuni kingullerni Air Greenland A/S ukiumoortumik naatsorsuutimigut ingerlallualeriorsimasoq qujanarpoq.

Taamalu ingerlaarfik nutaavik angusanut pitsanngoriaataassasoq soorunami naatsorsuutigineqartariaqarpoq.

Aammami aasaq julip qiteqqunnerani Air Greenland A/S-ip pisortaa radioavisikkut tutsiuppoq Air Greenlandip aamma Greenland Tourismip nittarsaassinnermut aningaasat atugassatik ukiumut 5-8 mio kr ataatsimoortilersimagaat. Taamanikkut Air Greenlandip pisortaata oqaatigaa USA salliullugu nittarsaassivigineqassasoq.

Pisortap taama oqarnera ullunik marlussunnik sioqqullugu Air Greenland A/S-ip nittarsaassinnermut pisortaa aamma radioavisimut oqarpoq timmisartuutileqatigiiffiup timmisartuutimini inissat affaannaat atorineqartillugit timmisartuussineq illersorsinnaanngikkitsik. Christian Keldsen taama oqarpoq kujataani takornariaqarnermut ingerlatsisut ilaata Air Greenland takornariaqarnerup inerisarneranut naammattumik peqataannginnerarlugu ujartuereerneratigut.